


մութեան 4-րդ աստիճանների պատկների համար, որովհետեւ այդօրինակ պատկների թոյլտուութիւնը վերապահուած է Ամենայն Հայոց Վեհափառ Հայրապետի իրաւունքին: 9 յունուարի 1911 թ. № 1179—1184.

Շրջաբերական առաջագրութիւն բոլոր թեմակալ առաջնորդների անունով, որով առաջագրուեց կարգադրել, որ ոչ մի հոգեւոր պաշտօնեայ՝ փոխանորդ, գործակալ և քահանայ, առանց ստանալու առաջնորդի միջոցով Տ. Տեղակալի կանխագոյն թոյլտուութիւնը չգայ Ս. Էջմիածին որ և է՝ անձնական կամ պաշտօնական գործով: 10 յունուարի 1911 թ. № 1191—1196.

Առաջագրութիւն Ս. Էջմիածնի Մայր Տաճարի Տ. Լուսարարապետի անունով, որի հետ ուղարկուեց ներքին գործոց Տ. Նախարարի առանձին գործերի պաշտօնեայ Պ. Պետրովի՝ Մայր Տաճարին նուիրաբերած մի արծաթէ ոսկեղօծ կանթեղ իւր պարագաներով, գործադրելու Տաճարում: 11 յունուարի 1911 թ. № 1200

Առաջագրութիւն Վրաստանի Հայոց կոնսիստորիայի Տ. Նախագահօղի անունով, որով առաջագրուեց յորդորել Տփլիսի հայազգի համքարներին իրենց վաղեմի խոստման և սովորութեան համաձայն շարունակեն հոգալու Ս. Էջմիածնի Մայր Տաճարում գործադրուող մօմը: 12 յունուարի 1911 թ. № 1203.



ՔԱՂՈՒԱԾՆԵՐ ՍԻՆՕԴԻ ՕՐԱԳԻՐՆԵՐԻՑ

Դեկտեմբերի 3-ին թ. 785. Սինօդը լսելով Շամախու կոնսիստորիայի 1909 թ. յուլիսի 25-ի № 920 յայտարարութիւնը, որոշեց. ներքին Գործերի Պ. Նախարարի թոյլտուութեան համաձայն, պատուիրել Շամախու կոնսիստորիային ընդունել Ղուբայի Հայոց Ս. Աստուածածին եկեղեցու անունով տիկին Աթէլ Ստեփանեանի իւր ա-

մուսնու յիշատակը յաւերժացնելու համար նուիրած կէս մաս տունը, յարակից շինութիւններով և գետնով, կազմելով այդ մասին պատշաճ կալուածագիր:

Դեկտեմբերի 11-ին թ. 797. Սինօդը համաձայն օրէնքի XI հատ. I մասի 1148 յօդուածի Վեհափառ Կաթողիկոսի մահուան հետեանքով, որոշեց. Սինօդիս աւագագոյն անդամ Տ. Գէորգ Արքեպիսկոպոս Սուրէնեանին ճանաչել Սինօդի Ատենապետի Տեղակալ, այնու, որ այդ պաշտօնի հետ վարէ նաև իւր անդամական պարտականութիւնը, որի մասին յայտնել Ռուսաստանի Հայոց թեմակալ Առաջնորդներին, Ամենապատիւ Պատրիարքներին, Սոյ Ս. Կաթողիկոսին և արտասահմանի Հայոց վիճակաւոր առաջնորդներին:

Դեկտ. 24-ին թ. 818. Սինօդը լսեց ներքին գործերի պ. Նախարարի անցած նոյեմբերի 22-ի № 10791 առաջադրութիւնը, որում ասուած է, թէ Կայսերական Զինուորական-բժշկական ձեմարանը ներկայացրել է Նախարարութեանը Ղարաբաղի Հայոց կոնսիստորիայից Կոստանդ Մելիքեանին տուած մի ծննդական վկայական, որի հետեւեալ երեսում գրուած է ծանօթութիւն կոնսիստորիայի կողմից, թէ «Կոստանդը նոյն և Կոստանդին, Մելիքեանց նոյն և Մելիքով»: Պ. Նախարարը գտնում է, որ այսպիսի դէպքը ստեղծում է մի շարք բարդութիւններ քաղաքական-իրաւական տեսակի ոչ միայն յիշեալ անձնաւորութեան համար, այլ և այն բոլորի, որոնց դէպք կլինի չլուծել նորա հետ ամուսնական, ժառանգական և առհասարակ սեպհականութեան իրաւունքի խնդիրներում. ուստի որոշեց, պատուիրել բոլոր թեմակալ առաջնորդներին, կոնսիստորիաներին, փոխանորդներին և հոգեւոր կառավարութիւններին խստիւ հետեւել, որ ծննդական վկայականներ տալու դէպքում և մետրիքական մատեաններից քաղուածներ տալիս երբեք թոյլ չտան որևէ շեղում օրէնքի պահանջից: Այս մասին յայտնել ի գիտութիւն Պ. Նախարարին:

Դեկտ. 27-ին թ. 821. Սինոդը լսեց Երևանի Նահանգապետի գրութիւնը Աղէքսանդրօպօլի գաւառի Սպիտակ գիւղի Ս. Մինաս եկեղեցու զանգագատան շինութեան թոյլտուութեան մասին, որոշեց. յայտնել Երևանի Նահանգապետին, թէ Սինոդի կողմից չկայ արգելք Սպիտակ գիւղի Ս. Մինաս եկեղեցու զանգագատան շինութեան վերաբերմամբ:

Դեկտ. 27-ին թ. 822. Սինոդը, լսելով Ներքին գործերի Պ. Նախարարի անցած նոյեմբերի 21-ի № 10838 առաջագրութիւնը, որում ասուած է, թէ վերջին ժամանակներս մեծ թուով հրէաներ ընդունում են հայ—լուսաւորչական կրօնը, և այդպիսի կրօնափոխութիւնը շատ դէպքերում լինում է հետեանք ոչ թէ նրանց անկեղծ համակրանքի դէպի հայ—լուսաւորչական եկեղեցին, այլ միայն կամենում են օգտուել այն բոլոր նիւթական և քաղաքական իրաւունքներից, որ ձեռք են բերում քրիստոնէութիւն ընդունող հրէաները և որով խուսափում են նրանց համար սահմանուած քաղաքացիական սահմանափակումներից, որոշեց. պատուիրել հայոց թեմակալ առաջնորդներին, ի լրումն և ի փոփոխումն 1909 թ. նոյեմբ. 13-ի № № 2701 և 2706 շրջաբերականների, նախապէս ժողովել կարևոր տեղեկութիւնները, թէ արդարեւ խնդրատու հրէան անկեղծ համակրանք է տածում դէպի քրիստոնէական վարդապետութիւնը և հայ եկեղեցին և ապա թոյլ տալ կոնսիստորիային խնդրատուի մկրտութեան մասին յարուցած միջնորդութիւնը ներկայացնել Սինոդիս, պատշաճ իշխանութեան թոյլտուութիւնը խնդրելու համար:

Դեկտ. 26-ին, թ. 825. Սինոդը որոշեց. պատուիրել Մայր Աթոռի գանձապահին Ռուս-Ճապոնական պատերազմում ընկած զինուորների յիշատակը յաւերժացնելու համար ժողովուած 14 ռուբլի. 12 կոպ. գումարը ուղարկել ըստ պատկանելոյն:

Դեկտեմբեր 27-ին, թ. 826. Սինոդը որոշեց. պատուիրել Մայր Աթոռի գանձապահին Կարմիր—Խաչի ընկե-

բութեան օգտին ստացուած 83 ռուբլի 70 կոպ. ուղարկել յիշեալ ընկերութեան:

Դեկտ. 27-ին, թ. 827. Սինօդը լսեց Երուսաղէմի օգտին ժողովուած գանձանակադրամի մասին զեկուցումն և որոշեց. պատուիրել Մայր Աթոռի գանձապահին ուղարկել Երուսաղէմի պատրիարքական Տեղապահին 1910 թ. ընթացքում ժողովուած գանձանակադրամ 296 ռ. 43 կ.:

Դեկտ. 27-ին, թ. 831. Սինօդը լսեց Ռուս—Ճապոնական պատերազմում ընկած զինուորների և նրանց ընտանեաց օգտին ժողովուած գանձանակադրամի մասին գործը և որոշեց. պատուիրել Մայր Աթոռի գանձապահին ուղարկել ըստ պատկանելոյն 1910 թ. ընթացքում ժողովուած յիշեալ նպատակի համար 419 ռուբ. 81 կոպ. գումարը:

Դեկտ. 27-ին, թ. 832. Սինօդը լսեց Կոյրերի օգտին ժողովուած գանձանակադրամի գործը և որոշեց. պատուիրել Մայր Աթոռի գանձապահին ուղարկել Կուրաց Հոգաբարձութեան անուամբ 1910 թ. ընթացքում ժողովուած գանձանակադրամը՝ 119 ռ. 19 կոպ.:

Դեկտ. 27-ին, թ. 833. Սինօդը լսեց խուլերի և համրերի օգտին ժողովուած գանձանակադրամի գործը, որոշեց. պատուիրել Մայր Աթոռի գանձապահին ուղարկել ըստ պատկանելոյն, յիշեալ խուլերի և համրերի օգտին 1910 թ. ընթացքում ժողովուած գանձանակադրամ 100 ռուբլի 93 կոպ.:

Դեկտ. 27-ին, թ. 814. Սինօդը լսեց Աբասթումանի Թորախտաւորների բուժարանի օգտին ստացուած գանձանակադրամի գործը և որոշեց. պատուիրել Մայր Աթոռի գանձապահին ուղարկել ըստ պատկանելոյն յիշեալ նպատակի համար ստացուած 205 ռուբ. 37 կոպ. գանձանակադրամը:

Դեկտ. 27-ին, թ. 835. Սինօդը լսեց Արմաւիրի Հայոց եկեղեցիների գործակալ Գաբրիէլ քահանայ թուել-

եանցի և նոյն տեղի ս. Աստուածածին եկեղեցու երեսփոխան Սահակ Սեֆերեանցի յայտարարութիւնը, որի հետ ներկայացնում են Սինոդին 500 ռուբ. Մայր Աթոռի Ճեմարանի օգտին հանդուցեալ Մատթէոս Բ. Կաթուղիկոսի մահուան առիթով պատկի փոխարէն, և որոշեց ստացած 500 ռուբլին դորժադրել Մ. Աթոռի Ճեմարանի կարիքների համար և Սինոդի կողմից գոհունակութիւն յայտնել Արմաիրի հայ հասարակութեանը, նուիրած դրամի համար:

Գեկտ. 29-ին, Թ. 840. Սինոդը լսեց Ներքին Գործոց Պ. Նախարարի նոյեմբերի 29-ի № 10949 առաջադրութիւնը Հայկական հաստատութիւնների պաշտօնեաներ նշանակելու մասին և որոշեց. նախ՝ այսուհետև քահանայ, սարկաւազ և շտատնի դպիր ձեռնադրելու դէպքում՝ նախապէս հարցնել պատշաճ նահանգական իշխանութեան համաձայնութիւնը. երկրորդ՝ Պ. Նախարարի առաջադրութեան պատճէնը ներկայացնել Ամենապատիւ Տ. Տեղակալին, ի նկատի ունենալու փոխանորդ, Հոգևոր Ճեմարանի Տեսուչ և ուսուցիչներ, վանքերի վանահայրեր և թեմական դպրանոցների տեսուչներ նշանակելու և հաստատելու դէպքում, և տալու թեմական դպրոցների հոգաբարձութիւնների նախագահներին պատուէր՝ նախապէս հարցնել նահանգական իշխանութեան համաձայնութիւնը դպրոցների ուսուցիչներ հրաւիրելիս. երրորդ՝ պատուիրել թեմակալ առաջնորդներին կոնսիստորիայի անդամ նշանակելիս հարցնել նախապէս տեղական նահանգապետի համաձայնութիւնը:

